

KOVRITA, MISTERA). **Tra**~1 (tr). 1 Tute, plene ~i : la suno ne sukcesas tra~i la nubojn ; ĉio estis tra~ila de malsekeco ; *netra~ebla densejo* Z ; *terura ĝemo tra~is dien* ; (f) : la tuta libro estas tra~ita de tiu ideo, per militimpresoj ; la feliĉo tra~as mian sangon k miajn pensojn Z. 2 Perforte ~i : tra~i sekreton B.

\* **Peniko**. 1 Densa tufo da haroj kunligitaj ĉe ekstremo de bastoneto, uzata por ŝmiri per kolorilo, gluo, kuracilo ks. 2 = Kvasto : li *svingis la ~ojn de sia vesto* B. 3 (Ev.) Beraro, grapolo : li *disdonis al ĉiuj po unu ~o da sekvinberoj* Z. ~1 (ntr). Uzi ~on por pentri, glui ks.

**peniso** ♥. Vira genera organo.

\* **Pensl** (x). 1 Formi, kunligi k volvi ideojn en la spirito : mi ~as, do mi ekzistas ; li nur *ripetas, kion aliaj ~is antaŭ ol li* ; ilia koro ~as pri perfortaĵo Z ; ŝi ~as pri kampo k aĉetas ĝin Z ; *serĉe dirite, cele ~ite* Z ; ŝi estis ĉiam *silenta k en~a* Z. 2 Opinii : mi ~as, ke ĝi estos konstruata pli ol tri jarojn Z ; *Volapük ne estis venkita de Esp.*, kiel multaj personoj ~as tute erare Z ; mi *kredeble ne povos veni, ĉar mi ~as, ke mi mem havos hodiaŭ gastojn* Z ; ĉiu, kiu ŝin vidis, *povis ~i, ke li vidas la patrinojn* Z ; kion vi ~as pri mia projekto B ? ~(**ad**)o. Kapablo ~i : la ~o estas preskaŭ neebla sen la lingvo. ~(**a**)o. Tio, kion oni ~as : ~oj iras trans limoj sen pago nek timo Z ; libere eldiri sian ~on ; la lingvo *fiksas la disfluemajn ~ojn*. ~isto, ~ulo. Homo, kiu profunde ~as : akiri reputacion de granda ~ulo. ~lga. Liveranta temon por ~i, inspiranta ~aĵojn. **Antaŭ**~1 (tr). Pri~i antaŭ la ago : antaŭ~ila krimo. **El**~1 (tr) Krei per ~ado ion novan : el~i aparaton, artan lingvon ; eĉ plej freneza imago ne povus el~i ion similan (Kp ELTROVI, INVENTI, MALKOVRIT). **En**~1gi. Esti absorbata en ~o : ĉiu timas en~igi serioze eĉ unu minuton pri la mokata ideo Z (Kp MEDITI). **Pri**~1 (tr). Uzi siajn spiritajn fortojn pri aparta temo por atingi juĝon aŭ decidon ; profundigi sian ~on pri farota ago : pri~i respondon Z ; ne pri~u malbonon kontraŭ via proksimumo Z ; pri~u malrapide k agu decide Z ; tio postulas pri~on ; nepri~ila parolo Z ; de senpri~a rekomendo venas plora k plendo Z ; mal-

*serioza k senpri~a karaktero* (Kp FRIVOLA, VANTA).

\* **Penslo**. Sumo ĉiujare pagata al eksiginta oficisto aŭ servisto, kiam li atingis difinitan aĝon k servis dum difinita nombro da jaroj. ~1 (tr). Pagi ~on al iu. ~ulo. Homo ricevanta ~on.

**Penslono**. Domo kie oni povas konstante loĝi k manĝi, pagante interkonsentitan monsumon.

\* **Penti** (x). Senti bedaŭron pro farita kulpo kun deziro ripari ĝin k ne plu rekomenci : *pekinto ~as, kolero silentas* Z ; ~i sian senpripensemon, pri, pro sia senpripensemo ; tiam la Eternulo ~is, ke li kreis la homon sur la tero Z ; li montris sian ~on batadante sian bruston. ~ofari Z. Ripari pekon aŭ kulpon per ~aj suferoj k bonaj agoj.

**pentagono** Δ. Poligono, havanta kvin laterojn k kvin angulojn (= kvinangulo). Vd ANGULO, EBENO, EDRO, LATERO.

**Pentametro**. 1 Antikva verso uzata alterne kun heksametro k konsistanta el 6 eroj, el kiuj la du unuaj povas esti laŭvole spondeoj aŭ daktiloj, la 4a k 5a estas ĉiam daktiloj, dum la 3a k la 6a konsistas el longa silabo sekvata de muzika silento. 2 Sesera labakcenta verso proksimume imitanta la antikvan ~on.

\* **Pentekosto**. 1 Hebrea festo memoriganta la tagon, kiam Javeh donis al Moseo la tabelojn de la leĝo. 2 Kristana festo memoriganta la malsupreniron de la Sankta Spirito sur la apostolojn.

\* **Pentri** (tr). 1 Reprezenti materiajn objektojn per linioj k koloroj : ~i viron, arbon, pejzaĝon per oleo, per akvarelo ; li ~is la diinon nuda ; ne ~u diablon sur la muro Z (se oni aludas pri danĝero, ĝi okazas. Vd LUPO). (f) : la suno ~is brilan strion sur la vasta akvaro ; la luno ~is sur la ĝardenoj ombrojn de l' piramidoj B ; sur lia vizago estis ~ila la kutimo diri la veron B. Kp DESEGNI, SKIZI. 2 Priskribi karakterojn aŭ scenojn per vortoj : li *majstre ~is la ĝojojn k malĝojojn de la humiluloj* ; ~i la homojn tiaj, kiaj ili devus esti. 3 Imagi drastan k vivan bildon de io : ofte li ~adis al si tiun ĉi tempon sub ĉiaj cirkonstancoj Z. ~ado, ~arto. Arto ~i 1. ~aĵo. ~overko. ~inda. Pitoreska.